

A ta prueba

Basta cocaina ta drenta Antillas y Aruba

Cargamento 140 kilo confisca na Hulanda y 5 kilo na Aruba ORANJESTAD (AAN) Algun siman pasa DIARIO a trece dos noticia tocante droga: Un ta bisa cu traficantenan di droga ta bin cobra sumanan grandi di placa cu dealernan local debe: E otro noticia ta bisa cu traficantenan di droga Colombiano ta sacando hopi droga manda den region di Caribe entre otro Aruba y Antiyas.

A sali na cla cu siman pasa no menos cu 140 kilo di cocaina a ser captura na Hulanda e droga aki ta procedente di Colombia procedente di Curacao. Relaciona cu e caso aki e conocido ex boxdo/promotor di boxeo Ivan Samuco a keda aresta den un gang hopi grandi unda ta involvi jiu di Curacao, Surinam y Colombiano. Esaki ta prueba grandi cu e droga ta bin di Colombiano pa Antiyas sigui pa Hulanda.

Siman pasa recherche narcotico a aresta un grupo basta grandi aki na Aruba relaciona cu 5 kilo di cocaina.

Gargamento grandi di droga ta drenta waf cu lanchanan chiquito y bolbe sali sin por ser descarg segun fuentenan cu ta bon na altura a duna di conoce.

Segun e fuente di DIARIO for di exterior e cargamento di 140 kilo captura na Hulanda ta droga cu a sali for di Colombia pa Curacao sigui pa Hulanda y esey

ta muestra cu loque DIARIO a trece algun dia pasa ta prueba cu

traficantenan di droga Colombiano ta uza Antiyas y Aruba

como trampolin a keda confirma cu e hazafia di 140 kilo di cocaina na Hulanda y e 5 kilo captura na Aruba cu detencion di varios persona.

Julienne Schwengle y Roland Angela a gana Festival Ranchera

ORANJESTAD (AAN) Den un club Trappers completamente yen a tuma lugar Dialuna Aña di La Reina e festival di ranchera cu participacion di no menos cu 30 cantante parti den dos grupo cu ta B cantantenan novato cu un of dos presentacion y grupo A cu ta cantantenan cu mas cu 3 presentacion den festival.

Club Trappers a keda chiquito pa e cantidad grandi di publico cu goza enorme di un festival di nivel hopi halto acompaña pa Mariachi Lirios Del Campo.

Cada cantante a demostra nan

calidad y voz. Un competencia tur afor e cantantenan a duna e hurado cu tabata tin un tarea dificil pero cu e publico a keda contento cu nan resultado apesar cu tabata tin un cantante cu sigur mester por a bay den e finalistanan cu ta Glenda Bareño cu su cancion Cari Cari.

E resultado di e festival a ser parti den dos categoria pa loque ta Grupo A cu ta China y Charo Ganadora absoluto a resulta Julienne Schwengle cu a duna un tremendo presentacion cu no solamente e damita aki a con-

vence e publico pero e huradonan tambe cu su cancion La Chancía y alavez a bay cu e trahe china. Na di dos lugar a keda Isabela Maduro. Na di tres lugar a keda Jet Jansen. Na di cuatro lugar Lulu Croes.

Categoria hombre, ganador a resulta Roland Angela cu a sacudi e publico cu su cancion "Eso Merece Un Trago". Publico a lanta para pa duna Roland un tremendo ovacion. Na di dos lugar a keda Ricardo Croes cu e cancion "Nuestro Gran Amor". Na di tres lugar a keda Cosme Donata y na di cuatro lugar Francisco Peña kende alavez a gana trahe charo.


Pa loque ta grupo B Gisela Trimon a gana den e categoria aki cu e cancion "El Cofrecito" sin duda e jovencita aki tin

futuro den cancion ranchera debi cu e tin un tremendo voz. Na di dos lugar a keda Emilia Stijn cu e tremendo cancion "Hoy Te Toca Dormir En El Suelo". Na di tres lugar Susy Kock cu e cancion "A poco No. Na di cuatro lugar John Larmoni cu e cancion "Lloraras". Na di cinco lugar Helen Angela cu e cancion "A Los Cuatro Vientos".

Tur e ganadoman a ricibi un plaquete y trofeo como recuerdo di e exitoso festival. Tabata tin dos pasashi pa Punto Fijo cu a ser gana pa Tico Colina y Paulina Webb.

Na tur e ganadoman palabra di pabien y na directiva di Trappers cu a presenta un tremendo festival di ranchera den nan cuadro di 60 aniversario.

Eric Tchong 25 aña den enseñanza



ORANJESTAD (AAN) Sr. Eric Tchong, docente pa lesnan di musica na Filomena College San Nicolas, a cumpli 25 aña den servicio di gobierno den ramo di enseñanza.

Sr. Tchong a inicia na 1965 como docente na Don Bosco School como "Muziekleraar", ademas tabata duna les di musica na "Muziek School" for di aña 1965 te cu 1973.

Durante aña 1969 Sr. Tchong

a ser traslada pa Filomena College Basico na unda te cu awe e ta duna les den musica.

Por menciona cu durante su periodo di labor como maestro e hubilario tabata na disposicion di Biblioteca Nacional pa 1 aña, esta di 1982 pa 1983.

Na Iglesia Sagrado Curazon di Savaneta Diahuebs 26 di April ultimo a ser teni un santo sacrificio di misa pa celebra di 25 aniversario escolar como docente di musica pa e hubilario

Eric Tchong.

Presente na e ceremonia eclesiastico aki tabata Sra. y jiunan di e hubilario, Director di Skoa Sr. B. Coffi, presidente di Skoa Sr. E. Wever, cabezante di Filomena College Karel Nicolaas, y alumnonan di prome te cu seis klas di Filomena College.

DIARIO ta manda palabranan di pabien na Sr. Eric Tchong cu su 25 aniversario den gobierno.



medicare
MASSAGE INSTITUTE

situa na Italiestraat 2

ta duna su tratamentonan profesional (S.T.I.V.A.S. diploma) e.o. tratamiento pa puistjes, litteken, limpieza di cutis general, tratamiento pa cutis, vet, seco, gevoelig, massage general, buikmassage, rugmassage (stress), cellulitis.

Por pasa pa huidanalyse.

Pa mas informacion por yama na

tel.: 31422

Horario: dialuna pa diahuebs:

8:00 a.m. - 12:30 p.m. y 2:30 p.m. - 7:00 p.m.

diabierne: 2:30 p.m. - 7:00 p.m.

diasabra: 8:30 a.m. - 5:00 p.m.

despues di 8:00 p.m. por yama tel.: 25460



buro arends
praktijkopleidingen

Op Aruba organiseren wij
het volgende seminar:

PERSENEELSAKEN IN DE

JAREN '90

op 11 en 12 mei 1990

Bel voor informatie tel. 23515